

Համաձայնեցված է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ
Տ. Դավթյան

08 նոյեմբերի 2010 թ. N 740-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱ ՊԵԿ ՆԱԽԱԳԱՀ
Գ. Խաչատրյան

02 նոյեմբերի 2010 թ. N 18

ՊԱՇՏՈՆԱԿԱՆ ՊԱՐԶԱԲԱՆՈՒՄ N 18

«ՀԱՅԱՍՏԱԳՐՎԱԾ ՎՃԱՐՄԵՐԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ 59.7-ՐԴ ՀՈԴՎԱԾԻ ԿԻՐԱԾՄԱՆ ՄԱՍԻՆ

«Իրավական ակտերի մասին» Հայաստանի Հանրապետության օրենքի 86-րդ հոդվածի 1-ին մասի համաձայն՝ «իրավական ակտը մեկնաբանվում է դրանում պարունակվող բառերի և արտահայտությունների տառաջի նշանակությամբ՝ հաշվի առնելով օրենքի պահանջները»:

«Հաստատագրված վճարների մասին» Հայաստանի Հանրապետության օրենքի (այսուհետ՝ Օրենք) 59.7-րդ հոդվածի համաձայն՝

«Օրենքի իմաստով՝ զազալցման կայան (կետ) է համարվում ավտոտրանսպորտային միջոցների զազալցման (զազալիցքավորման) համար հարմարեցված սարքավորումների ամբողջությունը»:

Օրենքով տրված սահմանմանը համապատասխան՝ ավտոտրանսպորտային միջոցների զազալցման (զազալիցքավորման) համար հարմարեցված սարքավորումների ամբողջությունը դիտվում է որպես զազալիցքավորման կայան, սակայն օրենքով զազալցման կայանի (կետի) բնորոշման համար պայման սահմանված չէ, որ ավտոտրանսպորտային միջոցների զազալցում (զազալիցքավորում) իրականացնելու համար անհրաժեշտ բոլոր սարքավորումները պետք է անպայմանորեն ֆիզիկապես գտնվեն տվյալ կայանի (կետի) համար հատկացված կամ կայանը շահագործողի կողմից փաստացի օգտագործվող տարածքում։ Օրենքով բացառություն չի սահմանված նաև այն դեպքի համար, եթե զազալցման սարքավորումներից մեկը, օրինակ՝ ճնշակը (կոմպրեսոր) գտնվում է մեկ այլ կայանի տարածքում և օգտագործվում է երկու կայանների կողմից անկախ այն հանգամանքից, թե այդ կայանները պատկանում են նույն տնտեսվարող սուբյեկտին, թե ոչ։ Օրենքով նաև չի սահմանվում այն սարքավորումների ցանկը, որոնցից որևէ մեկի բացակայությունը հիմք կարող է հանդիսանալ սարքավորումների ամբողջականությունը չափահովված համարելու համար։ Այլ կերպ ասած չի սահմանված այն սարքավորումների ցանկը, որոնք պետք է անպայմանորեն առկա լինեն կայանում, որպեսզի գործունեության իրականացման տվյալ վայրը դիտվի որպես զազալցման կայան (կետ)։ Սահմանման բովանդակությունից հետևում է, որ եթե հարմարեցված սարքավորումների միջոցով, անկախ դրանց կազմից և ֆիզիկական տեղադրվածությունից, իրականացվում է ավտոտրանսպորտային միջոցների զազալցման գործունեություն, ապա տվյալ վայրը պետք է դիտվի որպես զազալցման կայան (կետ)։

Ելնելով վերոգրյալից և դեկավարվելով «Իրավական ակտերի մասին» Հայաստանի Հանրապետության օրենքի 86-րդ և 87-րդ հոդվածներով **պաշտոնապես պարզաբանում եմ.**

Այն դեպքերում, եթե ավտոտրանսպորտային միջոցների զազալցման (զազալիցքավորման) գործունեության իրականացման համար հարմարեցված առանձին սարքավորումներ օգտագործվում են երկու և ավելի վայրերում (հասցեներում) տեղադրված, նույն գործունեություն իրականացնելու համար հարմարեցված այլ սարքավորումների հետ, յուրաքանչյուր վայրում ֆիզիկապես տեղադրված՝ զազալիցքավորման համար հարմարեցված սարքավորումները դիտվում են որպես զազալցման (զազալիցքավորման) համար հարմարեցված սարքավորումների ամբողջություն (զազալցման կայան (կետ))։